

Broj: 03-03-44- /20
Datum: 01.07.2020. god.

ZAKLJUČCI I ODLUKE

Sa 44. sjednice Vijeća održane dana 01.07.2020. godine u sa početkom u 11,00 sati u amfiteatru Fakulteta.

Usvojen je

DNEVNI RED:

1. Usvajanje zapisnika sa 43. sjednice Vijeća;
2. Osiguranje kvaliteta;
3. Kadrovska i personalna pitanja:
 - a) Izvještaj komisije po raspisanom konkursu za izbor u akademsko zvanje:
 - Viši asistent naučna oblast religijska pedagogija.
4. Izvještaj sekretara Vijeća Postdiplomskog studija:
 - a) Obavijest mentora prof. dr Zuhdije Hasanovića o završetku doktorskog rada pod naslovom: „Kvalitativna analiza tekstova o sunnetu u bosanskohercegovačkoj islamskoj periodici u drugoj polovini XX stoljeća“, doktoranda mr Mustafe Gobeljića
 - b) Izvještaj Komisije za ocjenu i odbranu magistarskog rada pod naslovom: „Rad Alije Silajdžića na polju fikha s osvrtom na djelo *Testament u šeriatskom pravu*“, kandidata Kenana Jazvina
 - c) Izvještaj Komisije za ocjenu i odbranu magistarskog rada pod naslovom: kandidata Sumedina Kobilice
 - d) Obavijest mentora prof. dr Almira Fatića o završetku magistarskog rada pod naslovom: „Prevođenje obnoviteljske tefsirske literature u Bosni i Hercegovini u drugoj polovini XX stoljeća“, magistranda Amira Mehića
 - e) Izvještaj Komisije za ocjenu uvjeta kandidata Arsima Salijia i podobnosti teme magistarskog rada pod naslovom: „Društveno-kulturni i religijski identitet bošnjačke zajednice na Kosovu“
 - f) Pokretanje procedure za prijavu teme magistarskog rada pod naslovom: „Tefsirska metodologija Ismaila Hakkija el-Brusevija u djelu *Ruhul-Bejan*“, kandidata Hišama Hafizovića (konsultirajući nastavnik prof. dr **Almir Fatić**)
5. Izvještaj sekretara Vijeća - Treći ciklus studija:
 - a) Protokol i Zapisnik odbrane doktorske disertacije pod naslovom: „Bajramijski derviški red – Društvena uloga i književno nasljeđe od XV do XVIII stoljeća“, doktoranda mr Azre Medara
 - b) Protokol i Zapisnik odbrane doktorske disertacije pod naslovom: „Tesavvufsko-odgojna misao Ibn ‘Aṭā’illāh as-Sakandarīja“, doktoranda hafiza mr Edina Dedića

- c) Protokol i Zapisnik odbrane doktorske disertacije pod naslovom: „Temeljna učenja alevija“, doktoranda mr Samed Omerdića
- d) Zapisnik sa prezentacije radne verzije doktorske disertacije pod naslovom: „Klasična muslimanska teološka percepcija drugih religijskih tradicija“, kandidata hafiza mr Saudina Gobeljića
- e) Molba za zamjenu nosioca predmeta „Savremena islamska pravna misao“ na doktorskom studiju
- f) Molba za zamjenu mentora studentu dokorskog studija Bilalu Hodžiću

6. Drugi ciklus studija:

- a) Izvještaj Komisije za ocjenu i odbranu master rada Harisa Veladžića pod naslovom: "Percepcija vjersko-teoloških učenja judaizma i kršćanstva u časopisu "Islamska misao".
- b) Izvještaj Komisije za ocjenu i odbranu master radakandidata Lepić Sakiba pod naslovom: „Pitanja i odgovori o namazu na internet stranici "Znaci" u periodu 2000.-2005.
- c) Molba kandidata hfz. Bajrama Dizdarevića za imenovanje novog mentora pri izradi završnog rada pod naslovom: „Razumijevanje tradicije u muslimanskoj teologiji uz osvrt na tekstove sa tradicijskim uklnom u časopisima "Alamanah".

7. Razno.

Ad.1. Usvajanje zapisnika sa 43. sjednice Vijeća.

Zapisnik se usvaja.

Ad. 2. Osiguranje kvalitete. U okviru pomenute tačke dnevnoga reda razmatran je Izvještaj, a koji dostavio Odbor za osiguranje kvaliteta Fakulteta islamskih nauka Univerziteta u Sarajevu o rezultatima evaluacije online nastave na FIN UNSA u ljetnom semestru 2019/20. godine sa preporukama.

Fakultet je, počevši od akademske 2018/19. godine, implementirao internu softversku platformu za razmjenu digitalnih materijala i učenje na daljinu baziranu na Moodle (Modular Object-Oriented Dynamic Learning Environment) sistemu. Organizirano je nekoliko internih edukacija nastavnog osoblja s ciljem osposobljavanja za korištenje resursa koje pruža spomenuta e-platforna. U ljetnom semestru 2018/19. nastavno osoblje Fakulteta počelo je koristiti e-platfornu za razmjenu digitalnih materijala i određene oblike provjere znanja studenata (npr. kvizovi, seminari itd.). Zbog proglašenja stanja nesreće uzrokovanog globalnom pandemijom Covida-19, slijedeći instrukcije Senata Univerzitetu Sarajevu, Fakultet je od sredine marta 2020. godine implementirao nastavni proces putem vlastite e-platfornu. Predavanja i vježbe održavani su u kontinuitetu, u formi webinaru, uz korištenje aplikacije Big Blue Button integrirane u sistem e-platfornu, prema utvrđenom rasporedu sati. Imajući u vidu vanredne okolnosti, kao i vodeći računa softverskim performansama i optimalnom opterećenju sistema, umjesto dvočasovnih pretežno su održavana jednočasovna sedmična predavanja, dok su vježbe i seminari održavani na način kako je to predviđeno u redovnim okolnostima. Također, postojala je mogućnost da nastavnici i saradnici organiziraju dodatne sate online konsultacija u slučaju potrebe.

Na osnovu dopisa prof. dr. Maide Čohodar-Husić, prorektorice za kvalitet Univerziteta u Sarajevu (broj 0101-4875/20 od 15. 5. 2020.), dostavljenog 15. maja 2020.godine, kojim je

zatraženo provođenje evaluacije online nastave u ljetnom semestru 2019/20. godine, Fakultet je putem vlastitog web portala (www.fin.unsa.ba), odn. e-platforne, proveo anketiranje studenata s ciljem evaluacije izvođenja online nastave u ljetnom semestru tekuće akademske godine. Evaluacija je provedena u periodu od 27. 5. do 12. 6. 2020. godine uz korištenje anketnog upitnika kojeg je usvojio Odbor za upravljanje kvalitetom Univerziteta u Sarajevu na 12. elektronskoj sjednici održanoj 7. i 8. 5. 2020. godine. Vijeće Fakulteta usvaja dostavljeni Izvještaj.

Ad.3. Kadrovska i personalna pitanja:

- b) Izvještaj komisije po raspisanom konkursu za izbor u akademsko zvanje:
- Viši asistent naučna oblast religijska pedagogija.

Prof. dr. Dina Sijamhodžić-Nadarević, preredsjenik Komisije izložila je Izvještaj Komisije.

Odlukom Vijeća Fakulteta islamskih nauka Univerziteta u Sarajevu broj 03-03-43-668/20 od 10. 06. 2020. godine imenovana je Komisija za pripremanje prijedloga za izbor u akademsko zvanje viši asistent za naučnu oblast Religijska pedagogija po osnovu konkursa (saradnik u zvanju višeg asistenta za naučnu oblast Religijska pedagogija, jedan izvršilac, puno radno vrijeme) koji je objavljen u dnevnom listu *Oslobođenje*, te na internet stranicama Univerziteta u Sarajevu i Fakulteta islamskih nauka Univerziteta u Sarajevu 07. 05. 2020. godine.

Komisiju čine:

Dr. Dina Sijamhodžić-Nadarević, vanredni profesor, oblast pedagogija, Fakultet islamskih nauka Univerziteta u Sarajevu, predsjednik,

Dr. hfz. Aid Smajić, vanredni profesor, oblast psihologija, Fakultet islamskih nauka Univerziteta u Sarajevu, član,

Dr. Haris Cerić, vanredni profesor, oblast pedagogija, Fakultet političkih nauka Univerziteta u Sarajevu, član.

Komisija konstatira da se na raspisani konkurs prijavio jedan (1) kandidat, i to

Ahmed Čolić, MA ul. Tome Mendeša 31, 71 320 Vogošća, prijava putem protokola Fakulteta br. 07-2-596/20 od 21. 05. 2020. U Izvještaju sekretara Fakulteta Emine Muderizović, dipl. prav., br. 07-2-596/20 od 21. 05. 2020. o usklađenosti prijava kandidata sa uvjetima konkursa prema redoslijedu podnošenja prijava na protokol Fakulteta, navodi se da je kandidat Ahmed Čolić, MA blagovremeno podnio prijavu, u skladu s objavljenim konkursom. U prijavi na konkurs koja je zavedena u protokolu Fakulteta pod br. 07-2-596/20, dana 21. 05. 2020. kandidat je naveo da podnosi prijavu na konkurs za izbor saradnika u zvanju višeg asistenta za naučnu oblast Religijska pedagogija.

Uz prijavu na konkurs kandidat je priložio slijedeće dokumente:

- popunjen obrazac prijave na konkurs;
- biografiju/životopis/CV (u printanoj formi i na CD-u);
- bibliografiju radova (u printanoj formi i na CD-u);
- diplomu o završenom drugom ciklusu studija za sticanje zvanja magistra islamskih studija (oblast Islamska vjeronauka i religijska pedagogija) na Fakultetu islamskih nauka Univerziteta u Sarajevu, br. 03-6-130/19 od 07. 12. 2019. (ovjerena fotokopija);
- dodatak diplomi o završenom drugom ciklusu studija (ovjerena fotokopija);

- diplomu o završenom studiju za sticanje visoke spreme iz islamskih pedagoških studija u zvanju profesora religijske pedagogije na Fakultetu islamskih nauka Univerziteta u Sarajevu, br. 03-5-1053/16 od 05. 11. 2016. (ovjerena fotokopija);
- diplomu o završenom studiju za sticanje visoke spreme iz islamskih teoloških studija u zvanju profesora islamske teologije na Fakultetu islamskih nauka Univerziteta u Sarajevu, br. 03-5-962/15 od 07. 11. 2015. (ovjerena fotokopija);
- uvjerenje o prepisu ocjena u toku prvog ciklusa u oblasti islamskih pedagoških studija – Religijska pedagogija (ovjerena fotokopija);
- uvjerenje o prepisu ocjena u toku prvog ciklusa u oblasti islamskih teoloških studija – Islamska teologija (ovjerena fotokopija);
- izvod iz matične knjige rođenih (original);
- uvjerenje o državljanstvu Bosne i Hercegovine (original);
- priznanje „Zlatna značka“ Univerziteta u Sarajevu, br. 20/15 od 07. 11. 2015. (ovjerena fotokopija);
- kopiju indeksa kao dokaz o položenim ispitima na drugom ciklusu studija na Odsjeku za pedagogiju Filozofskog fakulteta Univerziteta u Sarajevu (ovjerena fotokopija);
- certifikat za Program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu („Training and Research for Academic Newcomers“) od 29. 12. 2016. (ovjerena fotokopija);
- certifikat: „Using Reflective Structured Dialogue to Teach Civil Discourse“ (ovjerena fotokopija);
- certifikati o završenim edukacijama na Fakultetu islamskih nauka Univerziteta u Sarajevu (ovjerene fotokopije);
- certifikat Fondacije Konrad Adenauer Stiftung (ovjerena fotokopija);

Komisija konstatira da kandidat Ahmed Čolić, MA ispunjava formalne i proceduralne uvjete konkursa.

Nakon što je Komisija pregledala dostavljenu dokumentaciju, a u skladu sa Zakonom o visokom obrazovanju Kantona Sarajevo (Sl. novine Kantona Sarajevo br. 33/17), člna 201 Statuta Univerziteta u Sarajevu, Odluke br. 01-1093-3-1/18 od 28. 11. 2018., Vijeću Fakulteta islamskih nauka Univerziteta u Sarajevu podnosi slijedeći:

IZVJEŠTAJ

BIOGRAFSKI PODACI O KANDIDATU

Ime i prezime: Ahmed Čolić

Datum rođenja:

Mjesto rođenja: Zenica, Bosna i Hercegovina

E-mail adresa: ahmed.colic@fin.unsa.ba (službena); ahmed_colic@hotmail.com (privatna)

Kontakt telefon: +387 33 251 014 (službeni)

OBRAZOVANJE

Ahmed Čolić, MA je osnovnu školu završio u Žepču 2007., a Elči Ibrahim-pašinu medresu u Travniku 2011. godine. Iste godine upisao je dodiplomski studij na Fakultetu islamskih nauka Univerziteta u Sarajevu, Odsjek za islamsku teologiju, koji je završio 2015. godine s prosjekom ocjena 9.55. Nakon diplomiranja na Odsjeku za islamsku teologiju upisao je razliku predmeta na Odsjeku za religijsku pedagogiju na kojem je diplomirao 2016. godine s prosjekom ocjena 9.59.

Drugi ciklus studija na Fakultetu islamskih nauka Univerziteta u Sarajevu kandidat je završio 25. 09. 2019. uspješnom odbranom magistarskog rada o temi *Metodika religijskog odgoja djece na primjeru mektepske nastave*, pod mentorstvom prof. dr. Dine Sijamhodžić-Nadarević. Pored navedenog, kandidat trenutno studira i na drugom ciklusu studija na Odsjeku za pedagogiju Filozofskog fakulteta Univerziteta u Sarajevu gdje je uspješno položio sve ispite i u fazi je izrade magistarskog rada.

RADNI ANGAŽMAN

U periodu od januara 2013. do marta 2016. godine Ahmed Čolić, MA radio je kao honorarni imam i muallim u Medžlisi Islamske zajednice Sarajevo gdje je pokazao zapažene rezultate. U periodu od septembra do decembra 2013. radio je kao honorarni pomoćni imam, hatib i muallim američkog muftije u džematu Phoenix, Arizona. Obavljao je funkciju predsjednika Unije studenata islamskih fakulteta (USIF) od 2013. do 2015. godine u okviru koje je inicirao nekoliko studentskih projekata.

Od 2016. godine do danas zaposlen je u saradničkom zvanju asistenta za oblast Religijska pedagogija na Fakultetu islamskih nauka Univerziteta u Sarajevu. Na Katedri za religijsku pedagogiju i religijsku psihologiju održavao je vježbe na predmetima Pedagogija, Religijska pedagogija, Porodični odgoj, Socijalna pedagogija, Pedagogija za imame, Učenje i podučavanje u predškolskom odgoju, Didaktika, Metodika vjerske nastave 1, Metodika vjerske nastave 2, Didaktika sa metodikom vjerske nastave, Metodika mektepske nastave, Metodika religijskog odgoja, Kreativnost u vjerskoj nastavi, Savremeni problemi religijskog odgoja, Edukometrija, Domski odgoj, Kurikulum i udžbenici u vjerskoj nastavi, Metodologija istraživanja u vjerskoj nastavi, Pedagoška komunikologija, Školska pedagogija.

STRUČNO USAVRŠAVANJE

Nakon izbora u zvanje asistenta Ahmed Čolić, MA poduzeo je slijedeće edukacije:

- 24–25. 02. 2020. – *Workshop: Using Reflective Structured Dialogue to teach civil discourse*. Organizers and Partners: Jamal Barzinji Project, Center for Islam in the Contemporary World, Shenandoah University, Bridgewater College, University of Sarajevo, Faculty of Islamic Studies of University of Sarajevo and Essential Partners. Location: Faculty of Islamic Studies, Sarajevo.
- 15. 02. 2019. – Stručna edukacija: *Unapređenje kvalitete seminarskih radova na Fakultetu islamskih nauka Univerziteta u Sarajevu*. Organizator: Fakultet islamskih nauka Univerziteta u Sarajevu. Lokacija: FIN.
- 14–15. 01. 2019. – Stručna edukacija o temama: *Kako govoriti o religiji mladima* (prof. dr. Adnan Silajdžić), *Izazovi odgojnog djelovanja u nastavi Islamske vjeronauke* (prof. dr. Izet Pehlić) i *Izazovi vjeroučiteljskog poziva – iskustva iz prakse* (Almira Gološ, prof). Organizator: Ministarstvo za obrazovanje, nauku i mlade KS-a i Fakultet islamskih nauka Univerziteta u Sarajevu. Lokacija: FIN.
- 01–23. 12. 2016. – *Projekat pedagoško-didaktičke i psihološke edukacije nastavnog kadra FIN-a*. Organizator: Fakultet islamskih nauka Univerziteta u Sarajevu. Lokacija: FIN.
- 26. 09–03. 12. 2016. – Program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu: *Training & Research for Academic Newcomers (TRAIN)*. Organizator: UNSA. Lokacija: Kampus UNSA.

UČEŠĆE U PROJEKTIMA, NA SEMINARIMA I NAUČNIM SKUPOVIMA

Nakon izbora u zvanje asistenta Ahmed Čolić, MA učestvovao je u sljedećim projektima, na seminarima i naučnim skupovima:

- 2019. – još traje... – RESILIENCE PROJECT – *REligious Studies Infrastructure: tooLs, Experts, conNections and CEnters*/Infrastruktura za religijske studije: alati, stručnjaci, veze i centri – Projekat u okviru EU programa za istraživanje i razvoj H2020 – FONDAZIONE PER LE SCIENZE RELIGIOSE GIOVANNI XXIII (FSCIRE).
- 08. 11. 2019. – Okrugli sto o temi: *Visoko obrazovanje u multietničkim društvima: iskustvo Barzinji projekta*. Organizator: Univerzitet u Sarajevu. Izlaganje o temi: „Iskustva saradnje – Barzinji projekat 'Visoko obrazovanje u multietničkim društvima'“. Sarajevo: UNSA.
- 2019–2020. – *Jamal Barzinji Project for International Cooperation to Advance Higher Education*. Organizators and Partners: Jamal Barzinji Project, Center for Islam in the Contemporary World, Shenandoah University, Bridgewater College, University of Sarajevo, International Islamic University Malaysia.
- 29–30. 09. i 13–14. 10. 2018. – *Stručna edukacija nastavnika Islamske vjeronauke i studenata FIN-a*. Organizator: Fakultet islamskih nauka Univerziteta u Sarajevu, Udruženje vjeroučitelja Sarajevo i Federalno ministarstvo obrazovanja. Učešće: *Voditelj praktičnih radionica*: „Komuniciraj sa mnom!“, „Vjeroučitelju, osnažite me!“, „Ja i moje predrasude?“ i „Svi smo različiti i trebamo druge“. Lokacija: FIN UNSA.
- 14–16. 09. 2017. – *International Conference Rethinking Islamic Education in Europe*. Organizator: Fakultet islamskih nauka Univerziteta u Sarajevu, International Institute of Islamic Thought UK, Ilahiyat Faculty of Istanbul University, International Islamic University Malaysia, Centar za napredne studije. Učešće: *sekretar konferencije*. Lokacija: Fakultet islamskih nauka Univerziteta u Sarajevu.
- 2016–2019. – *Program stručnog usavršavanja nastavnika Islamske vjeronauke KS-a*. Organizator: Fakultet islamskih nauka Univerziteta u Sarajevu i Ministarstvo za obrazovanje, nauku i mlade KS-a. Učešće: *Asistent i moderator*. Lokacija: FIN UNSA.
- 20–23. 07. 2016. – *Međureligijski seminar susreta studenata*, Organizator: Konrad Adenauer Stiftung. Učešće: *Moderator i vodič*. Lokacija: Sarajevo.
- 13–15. 05. 2016. – Seminar: *Javno djelovanje religija u BiH: od ispravnog vjerskog odgoja do razvoja međureligijskog dijaloga*. Organizator: Konrad Adenauer Stiftung. Učešće: *Moderator*. Lokacija: Sarajevo.

PRIZNANJA I POHVALE UNIVERZITETA I FAKULTETA

- priznanje „Zlatna značka“ Univerziteta u Sarajevu za postignuti akademski uspjeh tokom dodiplomskog studija na Fakultetu islamskih nauka, br. 20/15 od 07. 11. 2015.
- pohvala dekana Fakulteta islamskih nauka Univerziteta u Sarajevu za *najbolje ocijenjenog asistenta prema rezultatima* „Studentskih evaluacija nastavnog osoblja FIN-a“, u ljetnom semestru 2018/2019. i zimskom semestru 2019/2020. akademske godine.

BIBLIOGRAFIJA RADOVA KANDIDATA OBJAVLJENIH NAKON POSLJEDNJEG IZBORA U ZVANJE

Nakon izbora u zvanje asistenta Ahmed Čolić, MA objavio je dva rada:

- „Didaktičko-metodički pristup basnama Mehmed-bega Kapetanovića Ljubušaka i mogućnosti primjene u vjerskoj nastavi“, *Novi Muallim*, god. 2017., br. 72, str. 49-56.
- „Drugi o nama“, *Fakultet islamskih nauka Univerziteta u Sarajevu 1977–2017*, ur. Zuhdija Hasanović, El-Kalem i Fakultet islamskih nauka, Sarajevo, 2017., str. 267-272. (u koautorstvu sa: Kadić, Samedin).

ZAKLJUČAK I MIŠLJENJE KOMISIJE

Na temelju izloženog, Komisija je došla do slijedećih zaključaka:

Ahmed Čolić, MA, posjeduje naučni stepen magistra islamskih studija u oblasti Islamska vjeronauka i religijska pedagogija te je proveo izborni period u zvanju asistenta, čime ispunjava osnovne uvjete za izbor u akademsko zvanje višeg asistenta.

Na osnovu uvida u dosije asistenta Ahmeda Čolića, MA i iskustva saradnje članova Komisije s njim u realizaciji nastavnog procesa na Katedri za religijsku pedagogiju i religijsku psihologiju, Komisija ističe da Ahmed Čolić blagovremeno i uredno izvršava svoje obaveze u nastavnom procesu (održavanje vježbi i seminara, organizacija pedagoške i metodičke prakse studenata, učešće u održavanju ispita itd.), kao i vannastavnim aktivnostima (učesće u radu komisija i stručnih tijela Fakulteta, organizacija stručnih edukacija, konferencija i seminara, učesće u projektima Fakulteta i Univerziteta itd.) te predano i posvećeno radi sa studentima, što potvrđuju i rezultati studentske evaluacije rada kandidata u nastavi.

Kandidat Ahmed Čolić, MA u dosadašnjem radu u zvanju asistenta pokazao je odlične rezultate, visoku motivaciju te izvanredne komunikacijske i organizacijske sposobnosti. Kandidat je kroz formalno obrazovanje spojio dva diplomatska studija na Fakultetu islamskih nauka: profesor je islamske teologije i profesor religijske pedagogije. Također, kandidat je spojio i dvije oblasti na drugom ciklusu studija: magistar je islamskih studija u oblasti Islamske vjeronauke i religijske pedagogije i u finalnoj je fazi okončanja studija na drugom ciklusu Odsjeka za pedagogiju na Filozofskom fakultetu Univerziteta u Sarajevu. Ova integracija teološkog i pedagoškog studija i znanja omogućava kandidatu da se temeljito i postepeno razvija u oblasti Religijske pedagogije.

Vijeću Fakulteta islamskih nauka Univerziteta u Sarajevu predlažemo da ovaj Izvještaj usvoji i donese odluku o izboru asistenta Ahmeda Čolića, MA, u akademsko zvanje višeg asistenta za oblast Religijska pedagogija. Vijeće Fakulteta, razmatralo je Izvještaj Komisije, te je nakon glasanja utvrdilo prijedlog

ODLUKE

Mr Ahmed Čolić bira se u zvanje **viši asistent** za naučnu **oblast religijska pedagogija**, na period od pet godina s mogućnošću jednog ponovnog izbora isključivo ako postigne stepen trećeg ciklusa studija.

Mr Ahmed Čolić zaključuje ugovor o radu na određeno vrijeme sa punim radnim vremenom.

Prijedlog je dostavljen Rijasetu, Upravi za nauku i obrazovanje i isti će se nakon dobivene saglasnosti proslijediti Senatu Univerziteta u Sarajevu na odlučivanje.

Ad. 5. Postdiplomski studij:

Izvještaj sekretara postdiplomskog studija.

Određivanje datuma odbrane doktorskog rada pod naslovom: „Predstavljanje i analiza glavnih tokova religijske misli u Iranu – Od II svjetskog rata do danas“, kandidata mr Nihada Čamdžića. Na osnovu usvojenog Izvještaja Komisije za ocjenu i odbranu doktorskog rada kandidata mr Nihada Čamdžića pod naslovom: „Predstavljanje i analiza glavnih tokova religijske misli u Iranu – Od II svjetskog rata do danas“, donosi

O D L U K U
o odbrani doktorskog rada

kandidata mr Nihada Čamdžića pod naslovom: „Predstavljanje i analiza glavnih tokova religijske misli u Iranu – Od II svjetskog rata do danas“.

Javna odbrana doktorskog rada zakazuje se za dan 15. 07. 2020. godine sa početkom u 10.00 sati na Fakultetu islamskih nauka Univerziteta u Sarajevu.

Odbrana je javna i istoj će prisustvovati članovi komisije, zapisničar i kandidat koji brani rad uz poštivanje epidemioloških mjera, a doktorska disertacija se nalazi u Biblioteci Fakulteta i dostupna je javnosti.

b) Obavijest mentora prof. dr Zuhdije Hasanovića o završetku doktorskog rada pod naslovom: „Osobnosti muslimanske kritike hadisa, s posebnim osvrtom na savremene trendove“, doktoranda mr Saliha Indžića predlaže se Komisija za ocjenu i odbranu doktorske disertacije u sastavu:

1. Dr. Kenan Musić, docent, Fakultet islamskih nauka Univerziteta u Sarajevu, naučna oblast Hadis, predsjednik
2. dr Fuad Sedić, redovni profesor, Islamski pedagoški fakultet u Bihaću, naučna oblast hadis, član
3. dr Zuhdija Hasanović, redovni profesor Fakultet islamskih nauka Univerziteta u Sarajevu, naučna oblast hadis, mentor, član
4. dr Aid Smajić, redovni profesor Fakultet islamskih nauka Univerziteta u Sarajevu, naučna oblast Psihologija, zamjenski član

Određivanje datuma odbrane magistarskog rada pod naslovom: „Analiza tekstova o islamu objavljenih u štampanim medijima i na medijskim portalima u Republici Sloveniji (1991.-2017.)“, kandidata Osmana Đogića. Na osnovu usvojenog Izvještaja Komisije, donosi se

O D L U K A
o odbrani magistarskog rada

Kandidata Osmana Đogića pod naslovom: „Analiza tekstova o islamu objavljenih u štampanim medijima i na medijskim portalima u Republici Sloveniji (1991.-2017.)“.

Javna odbrana magistarskog rada zakazuje se za dan 13. 07. 2020. godine sa početkom u 10.00 sati na Fakultetu islamskih nauka Univerziteta u Sarajevu.

Odbrana je javna i istoj će prisustvovati članovi komisije, zapisničar i kandidat koji brani rad uz poštivanje epidemioloških mjera, a magistarska radnja se nalazi u Biblioteci Fakulteta i dostupna je javnosti.

c) Izvještaj Komisije za ocjenu i odbranu magistarskog rada pod naslovom: „Doprinos kurra hfz. Asim ef. Sirće izučavanju tedžvidske nauke“, kandidata hafīza Alena Kehića. na osnovu

Izvjestaja Komisije za ocjenu i odbranu magistarskog rada pod naslovom: „Doprinos kurra hfz. Asim ef. Sirće izučavanju tedžvidske nauke“, kandidata hafiza Alena Kehića, donosi

O D L U K U
o odbrani magistarskog rada

Kandidata hafiza Alena Kehića pod naslovom: „Doprinos kurra hfz. Asim ef. Sirće izučavanju tedžvidske nauke“.

Javna odbrana magistarskog rada zakazuje se za dan 14. 07. 2020. godine sa početkom u 10.00 sati na Fakultetu islamskih nauka Univerziteta u Sarajevu.

Odbrana je javna i istoj će prisustvovati članovi komisije, zapisničar i kandidat koji brani rad uz poštivanje epidemioloških mjera, a magistarska radnja se nalazi u Biblioteci Fakulteta i dostupna je javnosti.

- d) Obavijest mentora prof. dr Nedima Begovića, o završetku magistarskog rada pod naslovom: „Rad Alije Silajdžića na polju fikha s osvrtom na djelo *Testamenat u šeriatskom pravu*“, magistranda Kenana Jazvina, te se

O D L U K U
o imenovanju Komisije za ocjenu i odbranu magistarskog rada

„Rad Alije Silajdžića na polju fikha sa osvrtom na djelo *Testamenat u šeriatskom pravu*“ kandidata Kenana Jazvina u sastavu:

1. dr Senad Ćeman, docent, predsjednik
2. dr Mustafa Hasani, vanredni profesor, član i
3. dr Nedim Begović, vanredni profesor, mentor, član

- e) Obavijest mentora prof. dr Zuhdije Hasanovića o završetku doktorskog rada pod naslovom: „Sunnet u djelu Abu-l-'Ala al-Mavdudija“, magistranda Sumedina Kobilice, te se donosi

O D L U K U
o imenovanju Komisije za ocjenu i odbranu magistarskog rada

"Sunnet u djelu Abu-l-'Ala al-Mavdudija"

kandidata Sumedina Kobilice u sastavu:

1. dr hfz. Kenan Musić, docent, predsjednik
2. dr Orhan Bajrektarević, vanredni profesor, član i
3. dr Zuhdija Hasanović, redovni profesor, mentor, član

- f) Obavijest mentora prof. dr. Orhana Bajrektarevića o završetku magistarske radnje pod naslovom: „Kutbova teorija džihada i njezina percepcija na Zapadu“ kandidata Nevresa Hodžića, donosi se

ODLUKA

o imenovanju Komisije za ocjenu i odbranu magistarskog rada

„Kutbova teorija džihada i njezina percepcija na Zapadu“

kandidata Nevresa Hodžića u sastavu:

1. dr. Nusret Isanović, redovni profesor, predsjednik
2. dr. Almir Fatić, vanredni profesor, član i
3. dr. Orhan Bajrektarević, vanredni profesor, mentor, član

Ad. 6. Treći ciklus studija:

- a) Određivanje datuma odbrane doktorske disertacije kandidata mr. Azre Medara pod naslovom: „Bajramijski derviški red – Društvena uloga i književno nasljeđe od XV do XVIII stoljeća“, to se donosi

O D L U K A

o odbrani doktorskog rada

kandidata mr. Azre Medara pod naslovom: „Bajramijski derviški red – Društvena uloga i književno nasljeđe od XV do XVIII stoljeća“.

Javna odbrana doktorskog rada zakazuje se za dan petak 19. 06. 2020. godine sa početkom u 15.00 sati na Fakultetu islamskih nauka Univerziteta u Sarajevu.

- b) Određivanje datuma odbrane doktorske disertacije kandidata hafiza mr. Edina Dedića, pod naslovom: "Tesavvufsko-odgojna misao Ibn 'Atā'illāha As-Sakandarīja", to se donosi

O D L U K A

o odbrani doktorskog rada

kandidata hafiza mr. Edina Dedića, pod naslovom: "Tesavvufsko-odgojna misao Ibn 'Atā'illāha As-Sakandarīja"

Javna odbrana doktorskog rada zakazuje se za dan 22. 06. 2020. godine sa početkom u 11.00 sati na Fakultetu islamskih nauka Univerziteta u Sarajevu.

- c) Određivanje datuma odbrane doktorske disertacije kandidata mr. Samed Omerdića, pod naslovom: „Temeljna učenja alevija“ to se donosi

O D L U K A

o odbrani doktorskog rada

kandidata mr Samedina Kadića, pod naslovom: „Temeljna učenja alevija“

Javna odbrana doktorskog rada zakazuje se za dan 24. 06. 2020. godine sa početkom u 10.00 sati na Fakultetu islamskih nauka Univerziteta u Sarajevu.

d) Izvještaj Komisije za ocjenu doktorske disertacije pod naslovom: „Hafiz Ali Korca i njegov prijevod i komentar Kur'ana“, kandidata mr Azmira Jusufija, nakon dobivenog rezultata provjere primjenom softvera za detekciju potencijalnog plagijarizma. Vijeće Fakulteta prihvata projekat doktorske disertacije pod naslovom: „Hafiz Ali Korca i njegov prijevod i komentar Kur'ana na albanski jezik“, kandidata mr Azmira Jusufija i u daljnjoj proceduri predlaže imenovanje Komisije za odbranu doktorske disertacije kandidata mr Azmira Jusufija u sastavu:

1. dr Enes Karić, redovni profesor, Fakulteta islamskih nauka Univerziteta u Sarajevu, oblast tefsira (tumačenja Kur'ana), **predsjednik**
2. dr Xhabir Hamiti, vanredni profesor, oblast tefsira (tumačenja Kur'ana), Fakultet islamskih nauka u Prištini, **član**
3. dr Almir Fatić, vanredni profesor, Fakulteta islamskih nauka Univerziteta u Sarajevu oblast tefsira (tumačenja Kur'ana), **mentor, član i**
4. dr. Džemal Latić, redovni profesor, Fakulteta islamskih nauka Univerziteta u Sarajevu, oblast tefsira (tumačenja Kur'ana), **zamjenski član**

Ova odluka sa utvrđenim prijedlogom se dostavlja Senatu Univerziteta u Sarajevu na daljnji postupak.

e) Izvještaj Komisije za ocjenu doktorske disertacije pod naslovom: „Upravljanje ljudskim potencijalima u sunnetu Božijeg poslanika Muhammeda, s.a.v.s.“, kandidata hafiza mr Adnana Srebrenice, nakon dobivenog rezultata provjere primjenom softvera za detekciju potencijalnog plagijarizma. Vijeće Fakulteta prihvata projekat doktorske disertacije pod naslovom: „Upravljanje ljudskim potencijalima u sunnetu Božijeg poslanika Muhammeda, s.a.v.s.“, kandidata hafiza mr Adnana Srebrenice

1. hafiz dr Kenan Musić, docent, **predsjednik**
2. hafiz dr Aid Smajić, vanredni profesor, **drugi mentor, član**
3. dr Zuhdija Hasanović, redovni profesor, **mentor, član**
4. dr Ahmet Alibašić, vanredni profesor, **zamjenski član**

Ova odluka sa utvrđenim prijedlogom se dostavlja Senatu Univerziteta u Sarajevu na daljnji postupak.

f) Izvještaj Komisije za ocjenu doktorske disertacije pod naslovom: „Razumijevanje pojmova znanje i vjerovanje u Ibn Tufaylovom djelu Hayy ibn Yaqzān: povijest recepcije“, doktoranda Samedina Kadića, nakon dobivenog rezultata provjere primjenom softvera za detekciju potencijalnog plagijarizma. Vijeće Fakulteta prihvata projekat doktorske disertacije pod naslovom: „Razumijevanje pojmova znanje i vjerovanje u Ibn Tufaylovom djelu Hayy ibn Yaqzān: povijest recepcije“, kandidata Samedina Kadića, master i u daljnjoj proceduri predlaže imenovanje Komisije za odbranu doktorske disertacije kandidata mr Samedina Kadića u sastavu:

1. dr Nusret Isanović, redovni profesor Fakulteta islamskih nauka Univerziteta u Sarajevu, oblast islamske filozofije, **predsjednik**
2. dr Hasan Džilo, vanredni profesor, oblast islamske filozofije, Fakultet islamskih nauka u Skoplju, **član**
3. dr Orhan Bajrektarević, vanredni profesor Fakulteta islamskih nauka Univerziteta u Sarajevu, oblast islamske filozofije, **mentor, član**
4. dr Enes Karić, redovni profesor Univerziteta u Sarajevu, oblast tefsira (tumačenja Kur'ana), **zamjenski član.**

Ova odluka sa utvrđenim prijedlogom se dostavlja Senatu Univerziteta u Sarajevu na daljnji postupak.

Ad. 7. Drugi ciklus studija:

- a) Određivanje datuma odbrane master rada kandidata Hasana Hasića pod naslovom: "Komparativno-kontrastivna stilografska analiza Prijevoda Kur'ana hafiza Sejjida Zenunovića i ostalih prijevoda Kur'ana". Vijeće Fakulteta donosi

O D L U K U

o odbrani magistarskog rada – drugi ciklus studija

kandidat Hasan Hasić branit će master rad pod naslovom: "Komparativno-kontrastivna stilografska analiza Prijevoda Kur'ana hafiza Sejjida Zenunovića i ostalih prijevoda Kur'ana".

Javna odbrana magistarskog rada zakazuje u utorak 23.06.2020. godine u 14,00 sati na Fakultetu islamskih nauka Univerziteta u Sarajevu.

- b) Izvještaj Komisije za ocjenu i odbranu master rada Almedine Imamović pod naslovom: "Načelo pravne prevencije (*sadd aq-đara'i*) s posebnim osvrtom na njegovu primjenu u fetvama Evropskog vijeća za fetve i istraživanja" je razmatran, te se donosi

O D L U K A

o odbrani magistarskog rada – drugi ciklus studija

kandidat hfz. Almedina Imamović branit će master rad pod naslovom: "Načelo pravne prevencije (*sadd aq-đara'i*) s posebnim osvrtom na njegovu primjenu u fetvama Evropskog vijeća za fetve i istraživanja"

Javna odbrana magistarskog rada zakazuje u utorak 24.06.2020. godine u 14,00 sati na Fakultetu islamskih nauka Univerziteta u Sarajevu.

- c) Izvještaj Komisije za ocjenu i odbranu master rada Abdussameda Podojaka pod naslovom: "Povijest nastanka i razvoja tedžvidske nauke" je razmatran, te se donosi

O D L U K A
o odbrani magistarskog rada – drugi ciklus studija

kandidat hfz. Almedina Imamović branit će master rad pod naslovom: "Načelo pravne prevencije (*sadd ad-đara'i*) s posebnim osvrtom na njegovu primjenu u fetvama Evropskog vijeća za fetve i istraživanja"

Javna odbrana magistarskog rada zakazuje u utorak 24.06.2020. godine u 14,00 sati na Fakultetu islamskih nauka Univerziteta u Sarajevu.

- d) Zahtjev za ocjenu i odbranu završnog rada kandidata Lepić Sakiba pod naslovom: „Pitanja i odgovori o namazu na internet stranici "Znaci" u periodu 2000.-2005. Vijeće donosi

ODLUKU
o imenovanju Komisije za ocjenu i odbranu magistarskog rada

Lepić Sakiba pod naslovom: „Pitanja i odgovori o namazu na internet stranici "Znaci" u sastavu:

1. Prof. dr. Mustafa Hasani, predsjednik,
2. Doc. dr. Senad Ćeman, član
3. Prof. dr. Nedim Begović, mentor i član

- e) Zahtjev za ocjenu i odbranu završnog rada kandidata Harisa Veladžića pod naslovom: "Percepcija vjersko-teoloških učenja judaizma i kršćanstva u časopisu "Islamska misao". Vijeće donosi

ODLUKU
o imenovanju Komisije za ocjenu i odbranu magistarskog rada

kandidata Harisa Veladžića pod naslovom: "Percepcija vjersko-teoloških učenja judaizma i kršćanstva u časopisu "Islamska misao" u sastavu:

1. Prof. dr. Adnan Silajdžić, predsjednik,
- 2, Prof. dr. Samir Beglerović član
3. Doc. dr. dr. Orhan Jašić, mentor i član

Ad. 8. Razno.

Prof. dr. Orhan Bajrektarević predložio je da Fakultet zauzme stav u vezi naša dva profesora, a to su rahmetli Husein ef. Đozo i doc. dr. hfz. Kenan Musić. Naime, imajući u vidu javnu reakciju PEN centra u vezi učešća prof. Đoze u II Svjetskom ratu, te ostavke na mjesto Glavnog imama Sarajevskog medžlisa hfz. K. Musića, da mu se omogući iznošenje njegovih stavova. U daljem nastavku Dekan Fakulteta je istakao da htio da i sam predloži da se Fakultet oglasi povodom

ostavke glavnog imama, te je pozvao članove Vijeća da se uključe u diskusiju vezano za navedene prijedloge. U okviru diskusije učešće su uzeli, prof. dr. Zuhdija Hasanović, doc. dr. Amina Arnautović, prof. dr. Nusret Isanović, prof. dr. Orhan Bajrektarević, prof. dr. Samir Beglerović, prof. dr. Nedim Begović, doc. dr. Asim Zubčević.

Nakon iznesenih stavova zaključeno je da se oforme Komisije koje bi razmotrila sve navode, pa tek onda da se ide u saopćenje za javnost.

Vezano za ostavku doc. dr. hfz. Kenan Musića na mjesto glavnog imama Sarajevskog medžlisa predloženo je da Komisija obavi razgovor sa Reisul-ulemom, Direktorom Uprave za obrazovanje i Muftijom sarajevskim. Predložena je Komisija u Sastavu:

1. Prof. dr. Nusret Isanović
2. Prof. dr. Zuhdija Hasanović
3. Doc. dr. Asim Zubčević.

Sa dva glasa protiv predložena komisija je prihvaćena od strane Vijeća.

Komisija za prof. dr. Husein ef. Đozu u sastavu:

1. Prof. dr. Enes Karić
2. Prof. dr. Almir Fatić
3. Prof. dr. Orhan Bajrektarević.

Zadatak komisije je da sačini saopćenje i dostavi katedrama, Prof. dr. Zehra Alispahić Koordinator za naučno-istraživački rad zadužuje se da uradi pripreme za organiziranje naučnog skupa “Bošnjačka ulema u II svjetskom ratu”. Period održavanje septembar-oktobar 2020. godine.

Sekretar:
Emina Muderizović

Dekan:
Prof. dr. Zuhdija Hasanović